

in quibuscumq; alijs cardinalitjs Congregationibus, nulla pecuniarum, vel solutionis emolumentorum mixtura dignoscitur, sed omnes expeditiones dantur gratis omnino, adeo ut neque aliquid petere vel recipere liceat per inferiores ministros, & operarios, sub prætextu nudi laboris, vel operis personalis in scriptura; Solumque Partium correspondentibus, qui negotiorum curam habent, aliqua moderata merces seu recognitio laboris debita est pro negotiorum qualitate, ac pro expensis copistarum, siue pro honorarijs Aduocatorum, & Procuratorum, quando eorum operam adhibere qualitas negotij exigat.

In ista Congregatione nulla adest mixtura Prælatorum, vno excepto, qui secretarij munus gerat, atq; vnus Cardinalis eius habet Præfecturam pro subscriptione literarum, & decretorum, ipsiusque Congregationis cura, & directione; Atque huic Præfecto Sedes Apostolica pro recognitione laboris soluit mensura scuta centum auri, ex quibus ipse suppeditat aliquam ratam Secretario, pro mercede scribarum, & operariorum inferiorum, ac pro expensis chartæ, & atramenti, vt omnia gratis dentur; Istaque congregatio qualibet hebdomada vel bis in mense pro negotiorum numero vel qualitate in die Sabati hodiè in Apostolico Palatio habetur, prius verò habebatur in domo Cardinalis antiquioris.

Quando super dubio quod proponitur, alias prodierint resolutiones, cum istis procedi solet, atque aliquando absque aliqua discussione rescindi, quod dantur resolutiones alias factæ; Id autem non semper benè procedit, cum solum seruandum sit in decretis, vel declarationibus generalibus, & in abstracto, quasi per viam legis, non autem in resolutionibus casuum particularium, cum diuersè singulorum casuum circumstantiæ, diuersam exigere valeant resolutionem, vt alibi aduertitur. M

Eius autem resolutionibus vel decretis, ipsa Congregatio executionem non præstat, neque in iudicialibus se ingerit, sed ad Iudices ordinarios, ac Tribunalia contentiosa ecclesiastica, & competentia id pertinet. N

De Sacra Congregatione super negotijs Episcoporum; & Regularium,

S V M M A R I V M

- 1 **D**e istius Congregationis erectione;
- 2 Quod decretis non deferatur nisi in forma authentica.
- 3 De quibus negotijs in ea tractetur.
- 4 Qua die teneatur.
- 5 De stylo deputandi Ponentem.
- 6 Non admittitur recusatio ex Capite suspicionis, & quid ubi Cardinalis habeat interesse.
- 7 Quomodo cognoscat causas.
- 8 De stylo seu modo recipiendi informationes, & decidendi.
- 9 De modo exequendi resolutiones.
- 10 Quomodo procedatur contra Episcopos.
- 11 De eodem, & de deputatione Vicarij Apostolici.
- 12 De deputatione Vicarij sede vacante.
- 13 De potestate Capituli sede vacante.
- 14 De alijs ad materiam negotiorum, quæ aguntur in hac Congregatione.
- 15 De negotijs concernentibus monasteria monialium.
- 16 Quod hæc negotia dirigantur Episcopis, alijsque locorum Ordinarijs, etiam in Monasterijs exemptis.
- 17 Quomodo cognoscantur, causæ Regularium.
- 18 De eodem, & quod causæ Regularium tractandæ sunt summarie, in forma extraiudiciali.
- 19 De stylo capiendi informationes in negotijs, & recursibus Regularium.
- 20 Ad istam Congregationem priuatiuè pertinent noua erectiones, vel suppressiones Monasteriorum, & conuentuum.
- 21 De congregatione reformationis Regularium.
- 22 Concedit ista Congregatio beneplacitum super alienationibus.
- 23 De alijs negotijs huius Congregationis.
- 24 De eodem, & quod cognoscat de negotijs pertinentibus ad alias Congregationes.
- 25 Adhibet regulas prudentiales, neque semper legalibus se agnoscit subiectam.
- 26 Omnes expeditiones dantur gratis.

DISC.

DISC. XVI.



Ista Congregatio per Sixtum V., cum plerisque alijs, per particularem constitutionem erecta est A; Illaque solum cardinalitia est, aliorum mixturam non habens, nisi vnus Prælati, qui Secretarij munus gerat, à quo literæ & decreta scribuntur, vel subscribuntur, cum subscriptione, & sigillo vnus ex Cardinalibus, qui Præfectus dicitur, & sine quibus copulatiuè subscriptionibus, ac sigillo, expeditiones authenticæ non dicuntur, quamuis agatur de decretis vel resolutionibus, quæ aliarum causarum occasione iam facta sint, & quæ coram inferioribus Iudicibus ad probationem siue auctoritatem pro alicuius similis casus determinatione allegentur, quoniam, siue agatur de resolutionibus istius Congregationis, quàm illius Concilij, & aliarum, speciali decreto cautum est, vt non nisi ista forma munitæ, authenticæ dicantur; E per consequens extra Curiam deferendum non est attestacionibus huiusmodi resolutionum, vel declarationum, quas aliqui, commendabiles quidem in sua sphaera, pro publica commoditate, faciunt elaborati ac diligentes Collectores; In Curia verò, ista solemnitas vel forma desiderari non solet, cum defacili defensores alterius Partis, contraquam resolutiones allegentur, de illarum veritate certificari valeant, ex registris, quæ diligenter conseruantur in Apostolico Archiuo, vt alibi etiam insinuat. B

Duo diuersa negotiorum genera peragitur ista Congregatio, quæ propterea, quoad negotia curialia fori ecclesiastici, quæ non concernunt fidem, sed ad Christianæ Reipublicæ regimen spirituale pertineant, videtur omnium maior, ideoque, maiorem habere solet numerum Cardinalium, ob maiorem negotiorum multipliciter.

Ea, quoties festorum impedimenta aliàs non suadeant, sine intermissione tenetur in feria sexta cuiuslibet hebdomadæ

in Palatio Apostolico; De mense verò martij, ex eo quod feria sexta est dies festiuis vel magnæ deuotionis, ob cõmemorationem passionis Domini Nostri, tenetur feria quinta, excepto tẽpore vacationũ generalium æstiuarum, quando aliquantò rarius teneri solet, iuxta negotiorum maiorem, vel minorem multipliciter, seu contingentiam.

Vbi agatur de contentiosis causis, quæ sub formali disputationis trutina cadunt, stylus est huius Congregationis, deputandi pro singularum causarum propositione aliquem Cardinalem, qui causam sibi commissam proponat, ad instar Tribunalium collegialium de quibus infra, istaque Ponens appellatur; Quod etiam in plerisque alijs Congregationibus practicitur, non autem in illa Concilij, in qua omnia negotia proponuntur per Secretarium, præuia tamen dubiorum, ac negotiorum, saltim grauiorum descriptione in folio, quod per plures dies antea transmittitur per manus singulorum Cardinalium Congregationis.

Non admittuntur autem recusationes ex capite suspicionis, quod etiam in alijs Cardinalibus votare debentibus procedit; Quinimmo si agatur de causa Ecclesiæ Cathedralis, vel Monasterialis, cuius aliquis ex Cardinalibus, qui in Congregatione interueniunt, sit Præsul, vel Commendatarius, aut Protector, non inde tamen inuitus à Congregatione excluditur; vt pluries practicitum vidi; Est tamen bene verum, quod frequentius discreti Cardinales, aliquod interesse in causa habentes, siue scientes quod Pars eos habeat suspectos, ex causa, ob quam de iuris rigore iudex recusari posset, spontè abstinent, atque huiusmodi dubitationi ansam non præbent; Idque prudenter fit etiam pro causæ seruitio, atque ad captandum illud arbitrium, quod citrà iustitiæ præiudicium cadere valeat, cum quandoque praxis docuerit, vt quò magis aliquis Cardinalis pro interesse affectionis ratione protectionis in Congregatione interuenire voluit, vt iura illius Partis tueretur, eò magis, ab aliorum constanti integritate, ac riorum succumbentiam causa passa sit; Licet quandoque è

con-

M. disc. 1. in annot. ad Concil. Trid. lib. 14.
N. dicto disc. 1. ex const. 74. Sixti V.

A. const. 74. Sixti V.
B. disc. 1. in annot. ad Concil. Trid.

conuerso, ista praesentia prodesse conuenienter, iuxta caluum contingentias; Commendabilius tamen est, ut abstinere, ut libenter, ac frequenter tam in his Congregationibus, quam in alijs Tribunalibus sequi solet, etiam in casibus, in quibus de stricta iuris censura, recusatio non intraret; Hinc proinde illae suspensionis disputationes, quae in aliquibus regionibus, & Tribunalibus adeo frequenter disputantur, pro calumniae fomento ad causas aeternandas, in Curia, nunquam, vel nimium raro audiuntur.

Distinguendo itaque negotia Episcoporum ab illis Regularium; Quatenus pertinet ad primam speciem; Verè, & proprie huius Congregationis Institutum est, ex mente erectoris, ut summarie, ac in forma extrajudiciali audiantur, subditorum recursus, vel querelae aduersus oppressiones, & grauamina Episcoporum, aliorumque Praelatorum, ac Vicariorum, & officialium, non autem ut peragantur causae prauatae contentiosae, quae processum ac telam iudiciariam exigunt inter partes, quoniam istis non concordantibus, sed una earum reluctante, remitti debent ad suos iudices ordinarios competentes, ut frequentius praxis docet (licet aliquando non obseruetur.)

Habito igitur recurso per eos, qui se grauatos sentiant, per viam supplicis libelli in forma extrajudiciali; Stylus est quod scribitur epistola familiaris subscripta à Praefecto, & Secretario nomine Congregationis, Episcopo, vel alteri superiori, cum insertione copiae libelli desuper porrecti, ut super contentis in eo, Sacram Congregationem informet; Habitaque informatione, si ea fidelis existat, adeo ut recurrentes in facto non discordent, vnde propterea quaestio reducatur ad punctum iuris, tunc negotium proponitur in S. Congregatione, atque emanat resolutio, pro cuius executione, vel obseruantia, etiam per epistolas familiares, illi Episcopo, vel superiori directas, procedi solet; Et quandoque, vbi causae qualitas id exigat, executio committitur Metropolitanis, seu viciniori, vel alteri Praelato, etiam in hac forma extrajudiciali per epistolas familiares; Siue aliquando datur decretum in supradicta forma,

authentica, Praefecti, & Secretarij subscriptione, ac sigillo munitum, ut Partes interessae ordinarios Iudices adeant, pro iudiciali obseruantia, & executione, ideoque desuper expediuntur monitoria Auditoris Camerae, & quandoque etiam literae Apostolicae confirmatoriae in forma breuis, sub annulo Piscatoris, per organum Secretariae Breuium, de qua supra actum est. C, ut ita seruatis seruandis, in forma iudiciali, cum remedijs temporalibus multarum, vel cum spiritualibus censurarum, contumaces ad obseruantiam compellantur.

Vbi verò ille, à quo informatio petitur, eam dare negligat, siue praetendatur, quod alterata, minusque vera data sit, tunc committi solet alicui Episcopo viciniori, vel Metropolitanis, aut alteri personae qualificatae in partibus, ut desuper se informet, atque Sacrae Congregationi referat; Ac etiam quandoque pro negotiorum qualitate committi solent Praelatis, ac etiam religiosis, aliisque probatis viris informationes, ac relationes secretae; Et è conuerso vbi de Episcoporum, vel aliorum superiorum criminosis gestis agatur, tunc facto verbo cum Sanctissimo, ad praescriptum Concilij Tridentini, & Apostolicarum Constitutionum, committitur alicui Praelato in partibus formalis processus informatius, siue iniungitur Auditori Camerae, ut Commissarium deputer, iuxta negotiorum qualitatem, & contingentiam; Ideoque certa regula generalis desuper statuta non habetur, cum totum pendeat à Congregationis arbitrio, & frequenter ab illo Pontificis, pro istius, magis, vel minus rigorosa natura, vel stylo.

Quando itaque dignoscatur adesse grauamina, tunc super eis dantur prouisiones oportunae, tam pro reuocatione eorum, quae sequuta sint, quam etiam ut occurratur futuris, suspendendo quandoque iurisdictionem, & deputando Vicarium Apostolicum, siue eximendo illam personam, ab eius superioritate, illi dando in superiorem aliquem Episcopum ex vicinioribus, & quandoque euocando Episcopum, vel alium superiorem ad Curiam, atque si rei qualitas exigat, illum detinendo carceratum in aliquo Monasterio,

C. supra disc. 7.

rio, seu alijs puniendo, aut remittendo Auditori Camerae, ut seruatis seruandis, eos puniat, etiam cum priuatione Praesulatus, vel cum translatione poenali ad Ecclesiam inferiorem, adeo ut certa regula desuper statui non valeat.

Sede autem Episcopali vacante, in ista Congregatione frequentius (licet quandoque, sed rarius in illa Concilij), habentur quaestiones super deputatione Vicarij Capitularis; Atque vbi dignoscatur, quod ea ad praescriptum Concilij Tridentini, vel decretorum S. Congregationis facta non sit, variae oriri solent prouisiones; Quandoque etenim, vbi nullitas non proueniat ex vitio personae, quam constet esse dignam, & idoneam, tunc ipsa deputatio reualidatur, eo modo quo (ut infra) frequens praxis docet in electionibus Praelatorum regularium; Quandoque verò, ipsa Congregatio Vicarium deputat, cum oraculo Papae, & qui propterea Apostolicus dicitur; Et quandoque mandatur, ut Capitulum denuo ad electionem procedat, siue Metropolitanis, aut Viciniori id committitur (quod tamen rarum est) cum frequentior stylus sit, vel confirmandi deputatum, vel deputandi Vicarium Apostolicum. D

Si verò deputatio sit valida, sed facta sit ad tempus, aut cum aliquibus restrictionibus, (ut Capitulum frequentior stylus esse videtur), tunc ipsa Congregatio, quatenus contingat, desuper per eundem deputatum eam certiorari, eidem rescribit, ut pro toto tempore vacationis, eius munus exerceat, cum vniuersa iurisdictione, neglectis Sibi factis restrictionibus, quas improbat; Et aliquando eidem Vicario Capitulari aliquam communi-
13 care solet facultatem, qua ipse careat, puta concedendi literas dimissoriales, ad ordines suscipiendos infra annum, cum similibus; Quod tamen non nisi pro casibus, vel personis particularibus, & ex iusta causa, & quandoque praevia informatione, concedi solet.

D. de hac materia Vicarij Capitularis sub tit. de Canon. & Capit. disc. 24. cum plur. seqq. & in annot. ad S.C.T. disc. 31.

Et de plerisque alijs, de quibus in ista Congregatione agi solet, actum habetur
14 in instructiuo discursu, de quo in Miscellan. Ecclesiast., vbi videre facile est, cum alijs nimia esset digressio. E

Quamuis autem negotia concernentia regimen Monasteriorum monialium iam fundatorum, siue eorumdem Monasteriorum nouas fundationes, Regularium materiam potius concernant; Attamen sub ista Episcoporum potius cadere videntur, quoniam nimium rarae sunt, quaestiones, quae in hac Sacra Congregatione disputentur, inter moniales, & viros regulares, sub quorum regimine ipsum Monasterium sit (licet quandoque id casus praebat, ut alibi aduertitur in sua materia F); Sed omnia negotia, quae ad moniales pertinent, agi solent cum Episcopis, alijsque locorum Ordinarijs; Vel quia ipsae moniales, tanquam exemptae impugnent Ordinarij iurisdictionem circa visitationem, & alia, de quo etiam in S. Congregatione Concilij disputari solet G; Vel quia eadem moniales praetendant ab Ordinario grauari; Siue, quod praeter antiquum, vel consuetum institutum, nimium eas restringi, ac reformari praetendatur, cum similibus.

Eidem quoque Ordinario rescribere solet; Vel circa vitam communem; Vel circa numerum praesentium; Aut circa receptionem plurius sororum, contra dispositionem decretorum Apostolicorum; Siue circa receptionem corruptarum, cum praefinitione augmenti dotis; Nec non circa concessionem maioris vel minoris numeri conuersarum, tam in communi, quam aliquibus monialibus in particulari; Nec non super admissione puellarum gratia educationis; Aut super concessione Confessariorum extraordinariorum, quando Ordinarius deneget, cum similibus negotijs, quae hoc monialium regimen concernant, dum regulariter pertinent ad hoc organum.

Item per istud organum explicari solet

E. lib. 14. tit. Miscellan. ecclesiast. disc. 1. lib. 14.

F. sub tit. de Regular. disc. 24.

G. de his quaestionibus sub tit. de iurisd. disc. 26. & seqq. & in annot. ad Concil. Triad. disc. 5.

let beneplacitum Apostolicum, super nouis foundationibus, prævia diligenti
 16 informatione, ac discussione requisitorum, sed hæc & similia cum Episcopis, vel Ordinarijs peragi solent, quibus etiam diriguntur literæ, vel prouisiones, in controuersijs, quæ oriantur inter ipsas moniales in electione Abbatissæ; Aut in eiusdem prorogatione ultra triennium, quamuis agatur de Monasterijs exemptis; Nisi particularis consuetudo contrarium suadeat, istamque necessitatem tollat, quia nempe, respectu exemptorum, hoc munus pertinere solet ad aliquem ecclesiasticum Prælatum, qui sit Nuntius vel commissarius Apostolicus, cui rectè congruat ratio eiusdem fiducia, quæ habetur de Ordinario, non autem de alijs inferioribus, sub quorum regimine sit Monasterium, putà pro frequentiori cōtingentia de Regularibus. H

Quo uerò ad alteram speciem negotiorum Regularium, non intrat superius
 17 insinuata, propositio, quæ intrat in negotijs Episcoporum vel secularium, quod scilicet in priuatis causis contentiosis, cum processu & ordine iudiciario peragendis, vna Partium reluctante, ista Sacra Congregatio se non ingerat, sed eas remittat ad suos Iudices; Quoniam causas regularium, non solum publicas super regimine Religionis in vniuersum, siue inter vnā Religionem, & alteram, sed etiam priuatas inter ipsos religiosos, super electionibus, officijs, & prælaturis, aut super præcedentijs, alijsque præminentijs, cæterisque occurrentijs, generaliter hæc Congregatio, cognoscit, & determinat, summarie, & de plano, sola facti veritati inspecta, quandoque cum extraiudicialibus probationibus, vel cum sufficientibus iustificationibus, per scripturas, nullo tamen adhibito formali processu, cum Notario, & cum tela iudiciaria, quoniam Secretarius vel Cardinalis Ponens conseruat scripturas, & recipit informationes, ita quodammodo faciendi etiam partes Notarij.

Merito autem, ac prudenter, in causis
 18 regularium ita proceditur, quoniam non solum ex dispositione dictæ Sixtinæ Constitutionis, super huius Congregatio-

nis erectione, sed etiam ex antiquorum Canonum, & Canonistarum sensu receptum est, incongruum esse claustralibus religiosis, strepitum fori, ideoque eorum causæ cognosci non debent in ordinarijs Tribunalibus contentiosis secularibus, sed intrā ipsam Religionem, atque per eius superiores, absque figura iudicij, & cum religiosa simplicitate; Si uerò agatur de recursibus à grauaminibus ipsorum superiorum, in eadem extraiudiciali forma cognoscuntur; Vel per Cardinalem Protectorem Religionis; Vel per istam Congregationem, cum ita quoque intrā, non autem extrā Ordinem cognosci dicantur. I

Stylus autem est, quod quemadmodum in dicta alia specie negotiorum
 19 Episcoporum & clericorum secularium & monialium, habito recurso per viam simplicis libelli extraiudicialis, scribitur Episcopo pro informatione, eique transmittitur tenor libelli porrecti; Itā in istis negotijs Regularium, rescribitur Procuratori Generali Religionis, qui semper in Curia assistit, & quandoque eidem Generali pro informatione, qua habita, si vna Partium illam impugnet, atque alteratam præterdat, aliæ capiuntur informationes & adhibentur diligentia pro veritate indaganda.

Ad istam quoque Congregationem priuatiuè pertinet agere, de nouis foundationibus Monasteriorum, vel Conuentuum, ac decidere causas super oppositionibus aliorum Regularium, & quandoque etiam clericorum secularium, nisi Papæ videatur aliquam causam committere in Rota, vel alteri Congregationi; Prout etiam cognoscit super Conuentuum suppressione, quoniam licet adsit alia moderna Congregatio Cardinalium, cum
 21 Secretario etiam Prælato super statu & reformatione Regularium, ab Innocentio X. erecta, de cuius voto seu consilio, sequuta fuit eiusdem Innocentij Constitutio super suppressione paruorum Conuentuum; Attamen ista est Congregatio particularis, super dicta reformatione in vniuersum, quæ compatibilis est cum ista ordinaria & generali, eiusque facultates non impedit.

Cum

H. dicto disc. 26. de Regular. & dicto disc. in annos. ad Concil. Trid.

I. tit. de Regular. disc. 1. & 22.

L. tit. de Regular. disc. 29. & seqq.

Cumque ab Urbano VIII., reuocata, vel respectiue moderatæ fuerint amplæ facultates, quas ex Apostolicis Constitutionibus habebant Prælati regulares, super alienationibus honorum, & iurium alijs cadentium sub prohibitione Extrauagantis Ambrosie de reb. eccles. non alien., vnde propterea necessaria est solemnitas beneplaciti Apostolici; Idcirco, nè Religiosi, præsertim pauperes cogantur subire sumptus, qui desuper necessarij sunt, pro expeditionibus Datarie, vel Secretarie Breuium, istud beneplacitum concedi solet per organum istius Congregationis, ac etiam per illud alterius Congregationis Concilij; Idque aliquando in monialibus etiam practitari solet, quando Monasterij paupertas ita exigat.

Et in summa omnia peragit, quæ Religionum, ac Regularium bonum regimen, ac directionem concernunt, vnde propterea dicitur Congregatio occupatissima, atque in negotiorum multitudine omnium maior, ob faciles recursus, quærelas, & contentiones Regularium, qui non habentes necessitatem cogitandi ad propria personæ, ac familie victum, & vestitum, aliasque indigentias, se totos occupare solent in dissensionibus inter se ipsos, ita humana conditione vel infirmitate exigente, pro qua curanda, sufficiens medicamen adhuc non habemus M

Habet item ista Congregatio latas habenas, agendi etiam de illis negotijs quæ aliarum Congregationum peculiaris sunt, vnde propterea (vt Urbanus VIII. dicere solebat) ista videtur Congregatio, quodammodo vniuersalis, exceptis causis, quæ directè Fidei quæstiones concernant, siue formalem interpretationem Concilij Tridentini; In reliquis enim, licet adsit dicta Congregatio Concilij, attamen de ijs quæ concernunt executionem, vel obseruantiam eiusdem Concilij, eiusque decretorum cognoscit; Prout etiam licet adsit Congregatio Rituum, cuius peculiare munus est cognoscere ac decidere controuersias, super præcedentijs, alijsque ecclesiasticis præ-

minentijs, inter clericos seculares & regulares, ac etiam super ijs quæ præterdantur per laicos in functionibus ecclesiasticis, adhuc tamen ista Congregatio istas causas cognoscit; Ideoque priuatiua singularis cognitio dictæ Congregationis Rituum, versatur in præscribendo ritus super diuinis officijs, ac etiam super canonizatione Sanctorum. N

Ac etiam licet adsit particularis Congregatio super controuersijs iurisdictionalibus, ac super ecclesiastica Immunitate, à qua denominationem seu vocabulum sortitur, de qua infra O. Adhuc tamen ista Congregatio, occasione agendi de negotijs, ad Episcopos & Ordinarios locorum pertinentibus, de hac negotiorum specie cognoscit, quando casus præbeat, vt ad eam recursus habeantur.

Et quamuis generaliter huiusmodi cardinalitæ Congregationes, tanquam summarie cognoscentes sibi commissa negotia, se gerant nomine Papæ, potius more Principis, vel supremi Senatus, quàm more Iudicis vel Tribunalis contentiosi, ideoque non subiaceant rigori regularium & propositionum iuris, eo modo quo contentiosa Tribunalia subiacent; Præ cæteris tamen ista Congregatio, quæ quoddam vniuersale, ac politicum regimen vtriusque cleri secularis, & regularis, aliarumque rerum ecclesiasticarum habet, huic restrictioni non subiacet, sed cum regulis seu legibus prudentialibus pro negotiorum qualitate, vel temporum ac rerum contingentijs procedere solet; Semper tamen, & in quibuscumque quantumuis grauibus negotijs, gratis omnino, etiam quoad scripturam, adeo vt Partes alio non grauentur sumptu, nisi (vt aliàs dictum est) illa recognitione laboris personalis, ac diligentia correspondentium, qui negotiorum curam habeant; Et quandoque, quatenus negotij qualitas exigat, pro honorario Aduocatorum & Procuratorum, ac pro expensis copistæ pro informationibus quæ dentur; Reliquum uerò totum quod ad suggestionem Agentium & correspondentium à Partibus detur, furtum & illicita extorsio est eorum, qui negotia peragunt, vel aliquorum

P. 2. Relatio.

M

repro-

M. de his habetur disc. 1. tit. de Regular.

N. infra disc. 18.

O. disc. sequ.

reprobatorum inferiorum ministrorum, mechanicorum, qui fidem ab eorum dominis habitam fraudent.



De Sacra Congregatione Iurisdictionis, & Immunitatis Ecclesiasticæ.

S V M M A R I V M.

- 1 **D**E huius Congregationis erectione.
- 2 Qui nam in ea interueniant.
- 3 Prælati sunt relatores causarum, & processuum.
- 4 Quare habeatur in ista Congregatione usus processuum, & de immunitate locali.
- 5 De immunitate personali, & de alia immunitate reali.
- 6 Mechanicum est videre processus.
- 7 Quando teneatur, & de quibus negotijs tractet.
- 8 An fuerit expediens eam erigere.
- 9 Quod stylus huius S. Congregationis sit potius contra delinquentes, qui ad immunitatem recurrunt.
- 10 Vnde proueniat quandoque rigor.
- 11 De remissione confugientium sub lege ut non condemnentur ad pœnam ordinariam.
- 12 De stylo dandi omnes expeditiones gratis.
- 13 Et de alio stylo procedendi in forma extraiudiciali.
- 14 Cognoscit priuatiuè de causis immunitatis, & Metropolitanus se non ingerit.
- 15 In quo propriè consistat munus huius Congregationis, & quales causas remittat iudicibus competentibus.
- 16 De alijs ad materiam remissiuè.

D I S C. XVII.

1 **D**igna est ista Congregatio, utpotè erecta circa initia Pontificatus Urbani VIII.; Incertum tamen est; An viuæ vocis oraculo; Vel per literas in forma Breuis; Aut per decretum consistoriale; Siue etiam per Apostolicam Cōstitutionem, quæ in Bullario non sit impressa; Ideoque super eius facultatibus, ac restrictionibus respectiuè, discursi nō potest, eo modo, quo de facultatibus aliarum Congregationum, super quibus Constitutiones in Bullario habemus, fieri potest.

Habet ista Congregatio, cum competente numero Cardinalium, mixturam aliquorum Prælatorum pro Papæ arbitrio, ex quibus quatuor videntur fixi; Vnus nempe, qui Secretarij munus gerat; Vnus ex Rotæ Auditoribus; Vnus ex Clericis Cameræ, & Aduocatus fiscalis; Alij verò sūt in maiori, vel in minori numero, ut Papæ videatur etiam ex dictis Rotæ, & Cameræ Tribunalibus assumi soliti.

Isti verò Prælati, ut plurimum, sunt relatores causarum (qui in Curia Ponentes dicuntur); Potissimè quia huius Congregationis negotia, frequenter secum ferunt processus voluminosos, qui per Ordinarios locorū, vel per alios iudices, & magistratus de partibus trāmittuntur; Potissimè in causis concernentibus, ecclesiasticam immunitatem localem, ad effectum inspiciendi qualitatem, ac probationem criminis, pro casibus exceptiatis per Constitutionem Gregorij XIV.; Siue qualitatem loci capturæ, super quo sit controuersia, an sit immunis nec nē; Aut super eiusdem capturæ modo, qui immunitatē excludat; Puta (ex.gr.) quod captus in loco non immuni, violenter in eo actu, secum trahat capientem, qui eū detineat, adeo ut ad proximum locum immunem accedat, cum tunc non suffragari Immunitatem S. Congregatio respondere consueuerit, cum similibus.

Prout etiam, processus, & acta de partibus, transmitti solent, in causis aliarum

spe-